

海外文編

蘇子卿

PDG

一 是編分類纂次悉依文編原定體例首奏疏次論議次書次序跋次傳狀次書事次碑誌次記各類按年月先後為序

一 奏議已有出使奏疏之刻茲擇尤要者錄之亦古文之一體也其四六謝恩摺登循例諸摺片無關宏旨者俟錄刻別稿

一 文編體例文後有評語暨自識之語或敘作文之由或書後來事實頗足與文中意義相明悉照錄以備查攷茲仍之至摺片後奉有硃批尤關

緊要者間亦敬謹錄入以誌榮幸其餘如書督撫同城之弊亦附錄郭侍郎原摺藉資互證

一 是編間有一二篇抵上海後脫稿因無所附麗故并錄之惟時使事固未竟且以記絕筆也

庸齋海外文編目錄

卷一

臺灣保護浙東新築礮臺疏 己丑

密陳標營稽習難改將才宜保護片 己丑

察看英法兩國交涉事宜疏 庚寅

豫籌各國使臣合請 覲見片 庚寅

通籌南洋各島添設領事保護華民疏 庚寅

滇緬分界通商事宜疏 庚寅

分別教案治本治標之計疏 辛卯

附陳處置哥老會匪片 辛卯

與英外部商定派員會立坎巨提頭目疏 壬辰

密陳帕米爾情形片 壬辰

請豁除舊例招徠華民疏 癸巳

附陳派撥兵船保護華民片 癸巳

卷二

滇緬分界大概情形疏 癸巳

附陳駐緬英員道約呈進方物片 癸巳

附陳派營彈壓野人山地片 癸巳

附陳收回車里孟連兩土司全權片 癸巳

強鄰環伺謹陳愚計疏 癸巳

考察近事謹陳管見疏 癸巳

附陳請展接電線杆禦水患片 癸巳

議定滇緬界務商務條約疏 癸巳

附陳大金沙江行船片 癸巳

附陳酌定虎路關以東界線片 癸巳

附陳密保洋員片 癸巳

保薦便才疏 癸巳

卷三

英吉利用商務闢荒地說見出使四國日記庚寅

西法為公共之理見出使四國日記庚寅

赤道下無人才說庚寅

攻戰守具不用之用說見出使四國日記庚寅

論俄羅斯立國之勢見出使四國日記辛卯

再論俄羅斯立國之勢辛卯

西洋諸國導民生財說辛卯

論中國在公法外之害辛卯

西洋諸國為民理財說壬辰

使才與將相並重說壬辰

用機器殖財養民說壬辰

治術學術在專精說壬辰

致舊知新說壬辰

南洋諸島致富彊說壬辰

澳大利亞可自彊說 壬辰

槍礮說上 壬辰

槍礮說下 壬辰

李德裕納維州降將論 癸巳

論不勤遠略之誤 癸巳

論公司不舉之病 癸巳

振百工說 癸巳

海關徵稅敘略 癸巳

海關出入貨類敘略 癸巳

海關出入貨價敘略 癸巳

趙鞅論 甲午

晉執政諸卿考 甲午

答袁戶部書 辛卯

復許大臣書 壬辰

答友人書癸巳

卷四

拙尊園藏稿序癸巳

出使四國奏疏序癸巳

出使四國公牘序癸巳

日本國志序甲午

處士曹君家傳甲午

敘疆臣建樹之基己丑

敘督撫同城之損庚寅

敘團練大臣庚寅

書沔陽陸帥失陷江甯事庚寅

書昆明何帥失陷蘇常事庚寅

書科爾沁忠親王大沽之敗庚寅

書兩江總督何桂清之獄庚寅

書霍軍銘軍尹隆河之役庚寅

書嚴皇告洪大臣之言辛卯

書工商核給憑單之例癸巳

書江西候補同知祝君殉難事甲午

誥授朝議大夫戶部雲南司郎中陳君墓表甲午

白雷登海口避暑記癸巳

修復高子水居記甲午

庸齋海外文編卷一

無錫薛福成叔耘

妥善保護浙東新築礮臺疏已丑

奏為浙東新築礮臺關繫緊要擬請

旨敕下浙江撫臣妥善經久保護之法恭摺仰祈

聖鑒事竊臣前在浙江甯紹台道任內適值海氛不靖前撫臣劉秉璋調集淮
楚諸軍扼險守禦復委前參將吳杰管理南北岸礮臺擊中敵船兩次浙防幸
獲保全當時猶以舊臺礮力較小不能遠擊衆論惜之敵船既退劉秉璋采用
臣之條議為綢繆未雨之計檄飭浙省支應局訂購德國克鹿卜二十四生的
後膛鋼礮二尊二十一生的後膛鋼礮五尊派候補知府杜冠英總理築臺事
宜候補參將吳杰幫同辦理仍檄臣督率稽查臣迭次馳赴鎮海口門與杜冠
英等相度地勢擇於南岸小港口之笠山築大礮臺一座安置新礮三尊金雞
山前面築臺一座置礮一尊北岸招寶山舊礮臺之下層添一礮洞置礮一尊
又於甬江中流之兩石磯各築臺一座置礮二尊前敵後路節節設險經始於

光緒十一年由撫臣檄派駐北岸之總兵黃錦文等所部淮軍三營駐南岸之提臣歐陽利見所部達字等營分任工役劃定地畧各專責成數年之間淮勇趨事勤奮剋期厥功惟南岸各營稍形疲玩往往期限已迫工程尚無端緒臣以該營歸提臣統轄不便過為催趨常令吳杰以所領礮兵三百餘名代緩其役吳杰熟諳西法操練精勤非特毫無虛額抑且力顧大局故每以數百人當數營之用至光緒十四年十月各臺次第告成撫臣衛榮光派員驗收並議以新式利器必得熟手善為照料磨擦光亮方免鏽壞誤事因定給按年擦油之費專委吳杰管理惟提標各營自稱清苦頗思分得擦費希圖沾潤密聲提臣執南北岸分派之說爭委礮臺一差撫臣始允照辦繼以所定礮臺經費本不甚寬裕惟吳杰廉樸耐勞尚能傳節數用憚營習氣最深彼既但思自潤恐致貽誤遂仍專委吳杰管帶提臣以所求不遂頗貽文牘於撫臣負氣忿爭衛榮光本擬將始終辦法奏明定案適因調任交卸新任撫臣崧駿接篆之初長臣親赴杭垣商懇撤去吳杰崧駿審知吳杰素有功績為浙東不可多得之將弁又不欲顯拒提臣致失和衷之體因酌用臣條議檄派提標候補副將陳勝文

會同吳杰管帶礮臺仍以演礮責成吳杰一人議者以為提臣如稍喻撫臣苦衷亦可以已矣無如標營將弁仍未滿意既憚吳杰之遇事認真因復造不根之說以聳動提臣此臣在甯紹台道任內辦理礮臺目擊情形之始末也今春臣由甯波交卸起程風聞提臣復致密函於閩浙督臣于寶第懇其劾去吳杰是時臣疑信參半甫入都門次讀邸鈔知吳杰果被參革職人言嘖嘖頗疑督臣之輕聽大抵莅任伊始未及詢訪輿論所致竊惟賞罰黜陟

朝廷自有權衡非臣下所敢參末議第念海防以礮臺為關鍵而珍護礮位操習礮兵事恃將弁之得人臣未知吳杰參革之後現派管理者何員誠慮標營但圖自潤罔知輕重提臣調劑本標壹意求勝則不獨

國家數十萬金之巨帑付之一擲即臣與杜冠英吳杰及各營將士數年之心力亦覺徒勞殊為可惜臣在浙數年與提臣向稱和衷與吳杰並無私交特以是非宜有公論利害亦關大局若因身已去浙緘默不言臣心實有所難安擬請

旨敕下浙江撫臣崧駿妥慎遴選員管守鎮海礮臺並知照提臣勿再惑標營將

士之言排擠得力員弁似於浙省海防有裨至四川督臣劉秉璋山西撫臣衛榮光前在浙江巡撫任內皆於守護礮臺一事籌之已熟可否

敕下劉秉璋衛榮光詢以守臺經久之策及吳杰平日功罪待其覆奏到日則臣言之虛實立見端倪閩浙督臣卞寶第離浙稍遠甫經到任恐有不及詳察之處然督臣素著公忠正得藉異同之論以資考證當亦諒臣心之無他決不以臣言為忤也所有浙東礮臺關緊要緣由謹具摺披瀝直陳伏乞

皇上聖鑒訓示謹

奏

密陳標營積習難改將才宜保護片

己丑

再查定例提督專轄通省標營及各汛所有舊式礮臺近來武備日精講求西法如北洋之大沽北塘旅順威海衛等處南洋之吳淞口及長江一帶暨福州臺灣廣東各要隘均已建築新式礮臺莫不挑選勇營或另募礮兵遠派得力將弁管帶駐守未有專用標營者誠以標營積習太深無從整頓昔胡林翼曾國藩等已詳言之若輩圖得一差即視為利數偷減侵蝕必誤大局浙東紹興

山之建礮臺始於升任撫臣楊昌濬遂派杜冠英吳杰經理其事歷任撫臣相繼委任所需經費皆由撫臣設法籌給故一切用人立法亦由撫臣主持與標營絕不相干當升任撫臣劉秉璋在浙時提臣歐陽利見聽鎮海參將鄭鴻章之言屢求撤去吳杰劉秉璋堅拒不從未及數月敵艦犯口吳杰兩次開礮獲勝是時吳杰聲望實出歐陽利見之上至今浙東士民皆能道之鄭鴻章旋經劉秉璋劾罷有案迨劉秉璋升任以去標營每患乘間攪管臺務臣嘗以吳杰之當留為新任撫臣詳晰言之撫臣衛榮光松駿皆告臣以在江蘇時即聞吳杰之名去年衛榮光以將才保薦吳杰而標營嫉之滋甚此次標營乘新舊督撫臣交替之際設計播弄而吳杰竟被參劾臣竊惟多事之秋人才難得方今創辦海軍整理防務苟稍有可用之才必當延攬而激勵之培養而護持之如吳杰者臨財廉任事勇操練勤威望素著一省之中實不多得乃竟終於顛蹶從此志士寒心宵人增氣為營將者知守法奉公不能自全將競以侵剋餉項為獻媚取容之計恐於風氣大有妨礙臣是以不憚煩瑣敢再據實密陳伏乞

奏

察看英法兩國交涉事宜疏庚寅

奏為微臣分駐英法數月察看交涉事宜謹陳梗概恭摺仰祈

聖鑒事竊臣在法國英國比國呈遞

國書已將各國互敦和好之意陸續據實

奏報在案惟聞義國羅馬都城一交夏令瘴氣甚重該國王及其外部大臣等皆避暑在外必俟八九月後回都辦事臣是以暫緩馳赴羅馬稍以其暇詳閱接管案卷聯絡議院官紳謹將見聞所及為

聖主縷陳之竊惟數十年來西洋諸國惟英法與我中國素多齟齬一二強邦迭起乘之事變愈棘從前英使如威妥瑪巴夏禮等法使如巴德諾脫等尤窺知中國情事狃於積習動輒要挾句結他國協以謀我與之以利而不知感商之以情而不即應繩之以約而不盡遵其所由來非一日矣臣嘗觀光緒三四年間舊牘前使臣郭嵩燾初到之時枝節不少口舌滋繁有明係中國自主之權而妄思侵礙者有明係彼國訂行之款而不即照辦者蓋彼之商人惟利是

視不顧大體而公使領事向持中國無駐洋使臣與彼外部辯論往往逞其一
面之辭要求迫脅惟所欲為今則審勢既異於前威巴諸使或退或死狡謀斯
戢積案稍清至當與英法官結往來酬酢察其言論多有聯絡中國之意不復
如昔日之壹意輕視推原其故厥有數端一則越南一役法人欲索賠償竟不
可得至今法人議論咸咎選禮之開覺恨其得不償失各國始知中國之不受
恫喝也一則十餘年中冠蓋聯翩出駐各國漸能諳其風俗審其利弊情意既
浹邦交益固也一則中國於海防海軍諸要政逐漸整頓風聲所播收效無形
且近年出洋學生試於書院常列高等彼亦知華人之才力不後西人也凡此
數端皆係

聖明措置因時及內外大臣盡力經營之效臣愚以為乘此振興之際遇有交
涉事件可以相機度勢默轉潛移稍裨大局大抵外交之道與內治息息相通
如商稅受損則財用不足矣教民橫恣則吏治不飭矣海外之華民保護不及
則

國勢不張矣內地之上貨行銷不遠則民生不厚矣此在任使事者設法維持

隨宜籌措雖舊約驟難更改而情勢或可變通臣擬於茲數者審度情形俟有機會大則

奏請

諭旨遵辦小則函咨總理衙門裁酌總期捷聲息而通隔閡收權利而銷外侮仰副

朝廷委任之意抑臣又聞外洋各國使臣互相駐紮皆以得見君主為榮君主亦必接見以示優異

皇上親政以來各使以未覲

天顏疑有薄待之意不無私議屢見英法新聞紙中將來恐不免令力國請似亦當籌所以應之也所有察看交涉事宜理合恭摺密陳伏乞

皇上聖鑒訓示謹

奏

豫籌各國使臣合請

覲見片庚寅

再查外洋各國風氣交際與交涉截然判為兩事交際之禮節務為周到交涉

之事件不稍通融惟其厚於交際故可嚴於交涉凡各國使臣初到一國駐紮之時其君主無不接見慰勞數語以示優待使臣鞠躬而退並不言及公事此西國之通例也臣到英後除呈遞

國書外其君主延請燕會一次聽樂觀舞會各二次禮意頗為周浹今聞各國駐京公使以未蒙

書接不無私議萬一合辭來請我若深閉固拒相形之下似覺

情誼愀然昔年英使威妥瑪借未許

覲見為辭頗於煙臺條款多所要挾夫靳虛禮而受實損非計之得也臣愚以為今日有同治十二年間成案可循不妨援照辦理當時議者亦頗多疑慮一則恐其有所謂請一則謂中西之禮不同也然禮成而退海內且傳為盛事者何也西例公見不言公事即晤其外部亦然洋使斷無不諳之理若論禮節可於

召見各使臣之光

敕下總理衙門告以如願行中禮或願行西禮各聽其便如是則彼雖自行西